


Վարչական իրավախախտման գործով զանգատն առանց բավարարման, իսկ որոշումն անփոփոխ թողնելու մասին:

04.10.2018թ.



Ճանապարհային ոստիկանության պետ, ոստիկանության գնդապետ Եգոր Կարապետյանս, վերանայելով Ջավեն Խաչատրյանի դիմումի շուրջ ստեղծված նյութերը,

Պ Ա Ր Զ Ե Ց Ի

2018թ. սեպտեմբերի 10-ին Երևան քաղաքի Սայաթ-Նովա 5 շենքի 25 բնակարանի բնակիչ Ջ.Խաչատրյանը դիմում է հասցեագրել այն մասին, որ սույն թվականի օգոստոսի 31-ին իր անձնական օգտագործման «Մերսեդես» մակնիշի 99 ZV 999 համարանիշի մեքենայով երթևեկելիս իրեն կանգնեցրել է ճՈ տեսուչը և հայտնել, որ ճՈ մեկ այլ աշխատակցի կողմից նկատվել է, որ ինքը երթևեկել է հանդիպակաց երթևեկելի գոտիով: Դիմումատուն հայտնել է, որ առանց որևէ ապացույց ներակայացնելու ճՈ 1-ին գումարտակի 7-րդ դասակի տեսուչ Կոստանյանը կայացրել է ԱԴ թիվ 672271 որոշումը, համաձայն որի տուգանել է իրեն 30.000 դրամ: Ջ.Խաչատրյանը վկայակոչելով մի շարք օրենքներ՝ խնդրել է ճՈ 31.08.2018թ. կայացված վարչական իրավախախտման վերաբերյալ ԱԴ թիվ 672271 որոշումը ճանաչել անվավեր:

Դիմումի ուսումնասիրությամբ պարզվել է, որ 2018թ. օգոստոսի 31-ին ժամը 22.00-ին Հանրապետության հրապարակում «Մերսեդես» մակնիշի 99 ZV 999 հաշվառման համարանիշի ավտոմոբիլի վարորդ Ջ.Խաչատրյանի նկատմամբ վարչական իրավախախտման վերաբերյալ արձանագրություն է կազմվել ճանապարհային ոստիկանության ճՊԾ 1-ին սպայական գումարտակի 7-րդ սպայական դասակի տեսուչ, ոստիկանության ավագ լեյտենանտ Մ.Կոստանյանի կողմից ճԵԿ-ի խախտման համար, այն է՝ վարորդն ավտոմոբիլով դուրս է եկել հանդիպակաց երթևեկելի գոտի և երթևեկել է հանդիպակաց երթևեկելի գոտիով: Վարորդի նկատմամբ կազմվել է համապատասխան արձանագրություն և համաձայն ՀՀ ՎԻՎ օր-ի 124-րդ հոդվածի 18-րդ մասի կայացվել ԱԴ 672271 որոշումը՝ վերջինիս 30.000 դրամ տուգանելու մասին:

ՃՈ ճՊԾ 1-ին սպայական գումարտակի 7-րդ սպայական դասակի տեսուչներ, ոստիկանության կապիտան Ռ.Պետրոսյանը և ոստիկանության ավագ լեյտենանտ Մ.Կոստանյանը իրենց գրավոր բացատրություններով հայտնել են, որ 2018թ. օգոստոսի 31-ին միջոցառման շրջանակներում ծառայություն կատարելիս ճՈ ճՊԾ բաժնի ծառայողները ռադիոկապի միջոցով հայտնել են, որ Ամիրյան փողոցով դեպի Հանրապետության հրապարակ է մոտենում «Մերսեդես» մակնիշի 99 ZV 999 հաշվառման համարանիշի ավտոմոբիլը, որի վարորդը Ամիրյան փողոցում երթևեկելիս դուրս է եկել հանդիպակաց երթևեկելի գոտի և երթևեկել հանդիպակաց երթևեկելի գոտիով: Սահմանված կարգով ավտոմոբիլը կանգնեցնելուց հետո, տեսուչ Կոստանյանը մոտեցել է վարորդին, ներկայացել, հայտնել իրավախախտումն և փաստաթղթերը ստուգելուց հետո կազմել է համապատասխան արձանագրություն: Մինչ արձանագրություն կազմելը վարորդը պահանջել է իրեն ներկայացնել իրավախախտումը հաստատող ապացույցներ, ինչից հետո վերջինիս պարզաբանվել է, որ իրավախախտումը հայտնաբերվել է ճՈ ճՊԾ բաժնի ծառայողների կողմից, այն եղել է ակնհայտ և պարզ տեսանելի: Վարորդը նշել է իր անհամաձայնությունն արձանագրության մեջ, ինչից հետո ստորագրել և ստացել է որոշման իր օրինակը:

ՃՈ ճՊԾ բաժնի ծառայողներ, ոստիկանության կապիտան Գ.Օհանյանը և ոստիկանության ավագ լեյտենանտ Գ.Գևորգյանը իրենց գրավոր բացատրություններով հայտնել են, որ 2018թ. օգոստոսի 31-ին ծառայություն կատարելիս Ամիրյան փողոցում նկատել են «Մերսեդես» մակնիշի 99 ZV 999 հաշվառման համարանիշի ավտոմոբիլը, որի վարորդը երթևեկելիս դուրս է եկել հանդիպակաց երթևեկելի գոտի և երթևեկել հանդիպակաց երթևեկելի գոտիով: Ռադիոկապի միջոցով հաղորդել են, որ մոտակայքում ծառայություն իրականացնող կարգախումբը կանգնեցնի նշված ավտոմոբիլը և կատարի համապատասխան գործողություններ: ՃՈ ճՊԾ 1-ին սպայական գումարտակի 7-րդ սպայական դասակի տեսուչները ռադիոկապի միջոցով փոխանցել են, որ նշված ավտոմոբիլը կանգնեցրել են և կատարում են համապատասխան գործողություններ: Ծառայողները հայտնել են նաև, որ իրավախախտումն եղել է ակնհայտ, պարզ տեսանելի և անմիջապես իրենց տեսադաշտում:

2018թ. հոկտեմբերի 1-ին ծանուցագրի միջոցով, քաղ. Ձ.հաշատրյանը ճանապարհային ոստիկանության պետին հասցեագրած դիմումի քննարկմանը մասնակցելու նպատակով, հրավիրվել է ճանապարհային ոստիկանության ճՊԾ բաժին, սակայն չի ներկայացել:

«ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի, ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, կատարված ուսումնասիրություններով պարզվել է, որ Ձ.հաշատրյանի արարքում առկա է Վարչական իրավախախտումների վերաբերյալ ՀՀ օրենսգրքի 124 հոդվածի 18-րդ մասով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով,

Ո Ր Ո Շ Ե Ց Ի՝

1. Ձ.հաշատրյանի դիմումը թողնել առանց բավարարման, իսկ ճանապարհային ոստիկանության ճՊԾ 1-ին սպայական գումարտակի 7-րդ սպայական դասակի տեսուչ, ոստիկանության ավագ լեյտենանտ Մ.Կոստանյանի կազմած վարչական իրավախախտման արձանագրության հիման վրա կայացրած 2018թ. օգոստոսի 31-ի ԱԴ թիվ 672271 որոշումը՝ Ձավեն հաշատրյանին երեսուն հազար դրամ տուգանելու մասին՝ անփոփոխ:
2. Սույն որոշման օրինակներն ուղարկել ճանապարհային ոստիկանության ՎԳ բաժանմունք և դիմումատուին:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:


Ե.Կարապետյան